



Bosna i Hercegovina  
Federacija Bosna i Hercegovine  
Hercegovačko – neretvanski kanton  
Općina Konjic  
NAČELNIK



Broj : 01-11-2-1216/20-3  
Konjic, 17.4.2020. godine

Na osnovu člana 69. stav ( 3 ) i člana 70. Zakona o javnim nabavkama („Sl. glasnik BiH“, broj 39/14), a na preporuku Komisije za izradu tenderske dokumentacije i provođenju postupka ocjene ponuda javne nabavke u postupku javne nabavke putem Konkurentskog zahtjeva za dostavljanjem ponuda – pod nazivom “ REKONSTRUKCIJA SAOBRAĆAJNICE RASKRŠĆE-SREDNJA ŠKOLA “, te člana 38. Statuta Općine Konjic ( " Službeni glasnik Općine Konjic " br. 4/11;6/11 ) Načelnik Općine Konjic, d o n o s i :

### **ODLUKU o otkazivanju postupka javne nabavke**

#### **Član 1.**

Otkazuje se postupak javne nabavke u predmetu " PROJEKTOVANJE PARTERNOG UREĐENJA NASELJA CENTAR" putem Konkurentskog zahtjeva za dostavljanjem ponuda ,objavljenog na portalu javnih nabavki pod rednim brojem 637-7-2-5-3-5/20 od 13.04.2020. godine iz razloga što je Ugovorni organ predvidio provođenje e-aukcije, suprotno članu 2. stav 3. Pravilnika o uslovima i načinu korištenja e-aukcije („Sl. glasnik BiH“, broj 66/16 ).

#### **Član 2.**

Ova odluka objaviće se na web-stranici ugovornog organa: [www.konjic.ba](http://www.konjic.ba), u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

#### **Član 3.**

Ova odluka stupa na snagu danom donošenja.

### **O b r a z l o ž e n j e**

Postupak javne nabavke pokrenut je Odlukom o pokretanju postupka javne nabavke broj: 01-11-2-1216/20 od 08.04.2020. godine.

Procijenjena vrijednost javne nabavke bez PDV-a je 6.800,00 KM.

Javna nabavka je objavljena na portalu javnih nabavki pod rednim brojem 637-7-2-5-3-5/20 od 13.04.2020. godine, otkazuje se u skladu sa članom 69. stav (3) Zakona o javnim nabavkama Bosne i Hercegovine („Sl. glasnik BiH“, broj: 39/14), odnosno zbog dokazanih razloga koji su izvan kontrole ugovornog organa i koji se nisu mogli predvidjeti u vrijeme pokretanja postupka javne nabavke.

Ugovorni organ je zaprimio reakciju potencijalnog ponuđača Institut za građevinarstvo "IG" d.o.o Banja Luka kojom se ugovornom organu skreće pažnja na član 2. stav (3) Pravilnika o uslovima i načinu korištenja e-aukcije gdje stoji :“ E-aukcija nije moguća ukoliko su predmet nabavke ugovori o uslugama i ugovori o radovima čiji je predmet intelektualni rad, kao što je projektovanje radova, jer se takve ponude ne mogu rangirati primjenom metoda automatskog elektronskog ocjenjivanja.”

Razmatrajući navedene razloge iz reakcije potencijalnog ponuđača, utvrđeno je da je primjedba opravdana, te je u tom smislu pokušano ispraviti grešku te izmijeniti tendersku dokumentaciju kao i obavještenje o nabavci, što nije bilo moguće izvršiti na Portalu Agencije za javne nabavke. Obzirom da održavanje e-aukcije u konkretnom postupku ne bi bilo u skladu sa Zakonom o javnim nabavkama kao niti Pravilnikom o uslovima i načinu korištenja e-aukcije, ugovorni organ je odlučio da predmetni postupak otkáže, te u što kraćem roku poštujući zakonske odredbe objavi obavještenje o nabavci predmetne usluge bez održavanja e-aukcije.

S obzirom da nije prestala potreba za predmetnom nabavkom, nalaže se da se nakon otklanjanja počinjenje nepravilnosti u tenderskom dokumentu, nabavka ponovo pokrene u postupku predviđenom za predmetnu javnu nabavku.

Na osnovu svega navedenog, a shodno odredbama člana 69. stav (3) Zakona o javnim nabavkama donesena je odluka kao u dispozitivu.

#### POUKA O PRAVNOM LIJEKU

Svaki ponuđač koji ima opravdan interes za ugovor o javnoj nabavci i smatra da je ugovorni organ u toku postupka javne nabavke izvršio povredu Zakona i/ili podzakonskih akata može izjaviti žalbu u pisanoj formi na način i u rokovima propisanim članom 101. stav (5) Zakona o javnim nabavkama Bosne i Hercegovine od prijema ove Odluke odnosno pismenog obavještenja o izboru najpovoljnijeg ponuđača, u dovoljnom broju primjeraka, a koji ne može biti manji od tri. Žalba se izjavljuje ugovornom organu – Općini Konjic, Maršala Tita br. 62, 88400 KONJIC.

#### DOSTAVITI:

1. Ponuđačima
2. Načelniku
3. Služba za prostornom uređenje, građenje i obnovu
4. Služba za zajedničke i stručne poslove
5. Službenik za javne nabavke 1 x
6. A/a

